

五史  
編料

甘  
寧  
青  
史  
略

(七)

廣文書局印行

慕壽祺輯著

趙元貞  
炳校

五史編料  
甘寧青史略  
(七)

廣文書局印行

甘肅青史略卷二三

清穆宗

己

同治八年春正月元日董志原賊酋王明章陷會甯縣城千總楊煦

巷戰死

明章率馬步千餘人欲往河州道經會甯見城守無人潛登之城陷于總楊煦率衆巷戰死縣令沈文仲逃入民堡內

案陝回被官軍擊敗董志原回匪據谷口將往金積堡投馬化龍官軍分路進剿陝回以十八營并爲四大營保護谷口鑄重前行留崔偉馬正和等斷後王明章一股已成無糧之野馬矣而甘肅州縣城池因亂久乏糧無人防守被回逆偷陷如會甯者正復不少

案漢武帝析置安定郡以高平爲治所即今鎮原縣境領二十一縣其西則有祖厲縣今會甯

靖遠兩縣地蓋祖厲二水發源會甯流至靖遠境入黃河會甯舊志謂在漢

爲枝陽牧枝水在今永登縣故平番縣故永登亦稱枝陽北魏時爲會州地宋爲

甘泉堡屬秦州金置西寧縣貞祐四年升州後廢元爲會甯州明降縣清因之屬鞏昌府今仍舊

山道

慕壽祺曰會甯未陷以前頗得力於民團無如富室大家出納之苦餉械之不充足久矣或以土築周圍居城中雄於貴僉請其助餉若干以備不虞乃竟一毛不拔比登賊城願出重金券博爲自衛計倉卒間無一人應者嗟呼誠濟之痛何如斷腕之雄而事前則但惜貨財不惜身命者比比皆是也豈周某一人也哉

賊犯通渭馬家坪堡團首孫兆鳳率衆往援與董滿勤等皆戰死是爲民族戰爭

撒拉回陷哈拉庫圖爾城丹噶爾鄉團擊破之遂復其城

丹噶爾縣今青海湟源縣

穆圖善遣兵勦河州賊屢戰不利退至狄道賊乘之師潰

初官軍進營洮河西河旋復叛官軍再犯西渡河西擣黑山頭賊壘太子寺賊截斷糧運官軍屢戰不利至是退保軟道軍糧匱乏卒弗提乘閒復叛大破官軍潰兵退至秦州河州賊乘勝東向與陝賊合遂攻陷秦安

許家堡丁家店

河州城攻陷秦安許家堡丁家店

進剿河州之大兵自狄道州潰奔至秦州有王喻彭

教張蘇魏洪奎龔周等十一軍自西二十鋪連營至西關外河州賊遂乘勝向東所至與陝賊合遂攻陷秦州許家堡丁家店二月破州西橫河鎮任家堡朱家川關家店大灣里四月破州南韓家山堡五月破望天峽馬家店堡遂破徽屬黑林溝苗家川新店鎮火鑽浦老撾岩各堡而靜常州上匪侯士亦重陷丁家店許家堡署人如雞狗焉

二月賊破秦州西橫河鎮家堡朱家川關家店大里灣

官軍以無命令故  
坐視其死而不救

官軍破陝回於正甯進拔董志原各逆巢賊分竄環縣及硝河城預望城等處

遂復慶陽鎮原等城

陝回上八大營原以董志原爲老巢楊文治各股匪陸續竄赴金積堡謀與馬化龍通力合作其留董志原者見野無餘糧遂

傾巢東犯屯聚正甯南北及永興堡一帶提督雷正綰與劉倬雲馬德順李耀南各率馬步分路追勦賊敗潰官軍乘勝破馬蓮河焦村石杜蕭金鎮驛馬關三汊河董志鎮各賊巢遂駐軍董志原官軍星夜追及於黨家崾崄路險溝深自相擁踐落涧者無數崔偉馬正和拒戰屢敗之大軍收復慶陽鎮原各城還軍蕭金鎮餘賊分兩路一竄環縣一自蒲川河竄梢河城預望城走金

積堡等處涇慶各屬肅清

慕壽祺曰鎮原與慶陽鄰自陝回奮集董志原致鎮原受連帶影響蕭鎮孟壩鎮尤爲賊所往來之區時閱五年城凡七陷子遺周黎重見天日則諸軍克復力也涵養五十餘年元氣始稍稍恢復今又遭逢世亂被禍者不知其爲匪爲兵也蒼蒼者天吾欲搔首而問之

賊破禮縣橫河鎮各堡

賊五六千聚橫河鎮近鎮堡多攻破武生馬兆瑞增生趙輯瑞率衆守禦賊發地雷陷其堡輯瑞舉家殉難

河州賊圍通渭平垣堡

賊圍拓達鋪之韓坪堡發熱川貢生管蘿率團往援殺賊數十賊怒釋圍合擊之遂敗績陣亡團丁三十餘人斃及許崇德許

遜三盧滿盧連  
盈等皆戰死

三月黃鼎勦平鎮原安家山土匪

安家山在鎮原縣南川俗名安家踏山拒城二十里當是時土匪蜂起屢與官軍抗鼎率兵勦平之

鎮原縣始設官辦公

鎮原屬經匪患逃亡一空蜀軍統領道員用黃鼎搜勦經慶零匪不可以無官乃以隨員廖溥明權知縣事並呈報署總督穆圖善時衙署焚燬萬與城齊

薄明僑居縣南里餘黃蛟岔民房廣張布告開始辦公招集流亡設法賑濟又爲之發牛

隻散籽種設集市於桃園子於

是荒殘者漸革轉徙者來歸

幕壽祺曰同治回亂以來以書生出入行陣間而每戰必勝者黃鼎一人而已初攻慶黨於階州剛八於威戎終隨湘軍進征金積堡才既優也勤亦茂哉而其功之最著者長武原一戰舉陝回十八大營多年盤據之董志原一旦收爲國有隴東父老至今歌頌不忘及關隴肅清移防陝北竟遭暗殺噫何斯人而遇斯禍也可慨也夫

董志原賊竄擾河套蒙古七旗阿拉善親王住賀蘭山後定遠營遣佐領多爾

擊退之

陝回盤踞董志原之十八大營是年二月經官軍擊敗後併十八營爲四大營護其老弱繼東前行崔偉馬正和等賊斷後有一股竄環縣由環縣取道花馬池至河套擾河東蒙古七旗殺掠甚慘遂由鄂爾多斯七旗擾掠烏拉特三旗又擾阿拉善阿拉善親王貢桑珠爾特派佐領多爾率蒙兵擊退賊復掠磴口竄至沙金托海

幕壽祺曰蒙古王公多矣阿拉善以聯姻帝室故待遇最優其牧地直占至甘州與額濟納互相衝接夫甘肅土曠人稀舉千餘里之地爲蒙古作牧場而文化永無輸入之期豈不可惜也哉

### 賊陷通渭馬坪堡董元泰慘戰死之

夏四月陝回復攻定遠營

定遠營於五年夏陝回喻彥祿等往攻不利賊知其無備且以其富也又往攻焉阿拉善觀王令長史疊立閣爾大賴禦

之陣亡時害武軍統領張曜駐甯夏聞報會烏爾圖那邏率兵由賀蘭山往援賊遁

河州賊破通渭高山通坡各堡遂掠孟家墩箭杆嶺河北等處楊世俊敖天印

率軍夾擊盡殲之

### 賊破秦州南韓家山堡

陝回馬士彥襲紅水永泰堡團勇擊郤之

賊襲靜寧州城剛八率民圍擗之殺賊首心不開等

先是陝回與張家川南八營謀襲靜寧剛八偵知率衆敗

賊於三集梁至是賊自尹金玉心不閒僞來投誠謀作內應已保領進城駐察院未幾賊隊由北峽口入高城寨蓋與城內賊黨暗通消息將欲內外夾攻義回馬某發其謀紳士邀約割八率所部星夜馳至力擊敗之復進

城誅尹金玉心不閒等城得不陷紳民感之

案輒耕錄有詩云天遣魔軍殺不平不平人殺不平人殺不平者殺盡不公平太平又聞某君詩云中原不可生強盜強盜纔生不可除一盜既除羣盜起功臣皆是盜根株二詩語意相類後作尤佳但前首第三句卽第二句意或欲易爲不公平是難平者殺盡不公平太平此二語堪以持贈

五月河州賊破秦州徽縣通渭各村堡

賊破秦州望天峽馬家店堡又陷徽縣黑林溝苟家莊新店鎮火鑽鋪老鶴岩各堡及通

渭安遠中和  
鞏家川各堡

慕壽祺曰隴南軍隊如林而河州賊長驅直進如入無人之境者五敝累之  
守壁待寇不求赴敵一敝也賊去不遏得地既止故屢克巢穴而賊數不減  
二敝也交戰時有正兵無奇兵有實無虛有顯無伏故雖勝不能多斬擒三  
敝也屯壘相望此屯出戰彼屯不應使賊得以全力當我之偏四敝也逐處

設防勢分力薄、不能奉賊而常爲賊奉、五敵也。有此五敵，蹉跎歲月，挫衄威棱，自守且難，又安望其進取，坐視民間各村堡爲賊攻陷，而不之救人之稱斯師也者，其謂之何。

河州賊破通渭安遠中和鞏家川各堡

提督黃金山勇潰穆圖善招撫之

黃金山率部勇與賊戰於狄道康家崖敗績北至皋蘭縣屬黃峪溝大肆淫掠穆圖善招撫之遣屯甯夏

李輝武破賊於兩當賊竄徽縣

輝武值知河州賊馬步七千人掠成縣鄉黨兩當令所部王名滔王麻南兩軍往勦抵楊家店遇騎賊擊斃之

遂據賊壘殲其賊

目餘黨竄徽縣

華亭賊竄秦安與官軍遇遂復竄隴州

華亭賊于餘黨秦安之臨城漫及百花川遇李輝南等官軍復竄隴州

靜寧侯十就善都統撫至通渭變回威戎鎮

侯十兄弟穿黃馬褂以下多穿大紅長袖馬褂

慕壽祺曰：同治時公家勦撫兼施往往委曲求全而人心猶歸然其不靖原取三就撫矣而復叛閔殿奎就撫矣而復叛侯十兄弟就撫矣而復叛是自求死也後之反復無常者

其亦知  
所微乎

吳士邁攻康坪堡城巢克之

士邁率軍由故關趨清水遂鄭平秦安縣廳城鎮賊巢進

攻康坪堡距隴城南十七里險距山腰東爲馬家寨西

爲龍山寨南爲馬家河皆南八營回匪之窟士邁督軍猛攻賊憑險力拒官軍益奮

連衝四陣殺賊二百餘槍斃黃巾賊目一乘勢截殺賊敗墜巒者無數遂克康坪堡

六月左宗棠進兵駐節涇州瓦雲驛

時劉松山由定邊趨花馬池魏光蘿周紹濂劉

端冕出河水甯州正甯趨環慶雷正綰黃鼎由

董志原涇州趨鎮原崇信華原原李耀南吳士邁由隴州寶雞趨秦州宗棠率親兵馬步四千至涇州令馬德順簡敬號兩軍屯靈臺屬之上良百里鎮策應南北吳士邁李輝武步

至秦州連獲大捷每開泰亦敗賊於伏羌馬家川蘭州大道漸通於是以涼州總兵傅先

宗所統喻正祥敖天印彭忠國等二十四營分駐徽縣榆樹嶺高橋李子園一帶護南路

轍逼通逆道時東路陝回多有乞撫者乃令雷正綰移營固原古城川周蘭亭進駐

瓦亭以據東西要衝吳士邁李輝武湯聘珍三軍抵通渭勦除各回巢南路肅清

附錄左宗棠分路剿匪疏其辭曰竊兵事有一定之規模有自然之次第其先後緩急之節則必審賊勢軍情應之即自進駐涇州以來熟察甘肅全局北自花馬池而南少西爲靈

州迤南少東爲環縣又東南爲慶陽爲甯州正甯折而西南爲涇州爲靈臺迤西而包陝西汧陽隴州北境踰山而西爲清水又西爲秦州清水之南爲兩當與徽縣成縣東連陝

境南界蜀境而甘肅東路自北而南之路始盡以地理家飛鳥之數計之不過一千三百餘里一人行之數日則幾三千餘里此甘肅自北而南之地勢也由花馬池而西少北

爲甯夏又北爲平羅由甯夏而西南爲中衛又西爲古浪西北爲涼州涼州北爲鎮番西北爲永昌山丹又西北爲甘州高臺肅州迤西而南則嘉峪關此爲甘肅之北路由慶陽而西爲鎮原爲涇原州由涇州而西爲崇信西北爲平涼府又西爲隆德爲靜寧州又西爲會寧爲安定又西北達蘭州蘭州之西北爲岷伯縣爲西甯府此爲甘肅之中路由秦州而西爲伏羌甯遠西北爲鞏昌府又西北爲渭源又西北爲狄道州二百三十里達蘭州秦州南爲徽成東爲清水東南爲炳靈西南爲西和禮縣又南爲階州鞏昌之西爲岷州洮州及各土司地此爲甘肅之南路以現在賊勢言之陝西逆回萃於甯夏所屬平羅靈州中衛一帶其東竄經金之賊經張曜擊之沙金托海磴口迭解阿拉善定邊重圍窮追至廣宗寺復進逼賀蘭山距甯夏不遠宋慶又擊退鄂爾多斯及五勝札薩等旗之賊據張曜報金舶等馬步各營又已行近磴口似邊外漸可肅清劉松山全軍七月十二日已由清澗馳抵鎮靖堡將糧運後路節節布置攜十二日之糧向花馬池前進討此時已抵化馬池進勦甯靈之賊北路兵力已厚似邊內亦漸可肅清南路秦州一帶河州竄回自李輝武吳士遇兩軍敗後六月十九日又經甘軍記名提督梅開泰擊之伏羌縣北六十里之馬家峴擒斬頗多餘賊全遁歸集蘭州逆道漸已疏迪穆圖善前此停連之餉均已悉數提去昨接藩司崇保來諭每月官商搭幫往來駄驛或五六百或七八百甚有轉機河州踞逆近無大股且竄穆圖善所派記名提督涼州鎮總兵傅先宗總統諭正祥敕天印彭忠國之二十四營臣飭其分駐徽縣榆樹壩高橋李子園娘娘壩皂角鋪以護完善之區通餉運之道俾吳士遇李輝南湯聘珍得道時往來鴻勦以速攻機似南路亦漸有肅清之望其中路平涼府屬固原以北陝回之崎零小戶多有赴營求撫者臣飭各地方官指荒絕地畝隨時安插馬朝清續稟陝回有急於就撫者有頑梗如故者臣仍以

分別勦撫之意示之一面調道員魏光廉進駐慶陽提督劉端冕進駐合水以防環縣之竄賊總兵張福齊進駐鎮原縣之蕭金鎮分駐屯子鎮西峯鎮提督丁賢發由正甯進駐慶陽之驛馬關以遏甯寧橫溢之賊一面調陝西提督雷正綰由平涼進駐固原之古城川提督周蘭亭由蕭金鎮進駐瓦亭以扼南北之衝惟中路平涼一府古稱雄鎮自回匪肇始以來府城三次失陷官軍頻年未遑勦辦守令多寄居村落力不能制土匪甚且藉土匪自固假以義旅之名任其齧食村堡茹柔吐剛不辨良匪有鹽茶廳民張貴即剛八者因忿其兄剛五枉殺之事糾聚黨夥迫脅良民竊居靜寧州莊浪縣永靖境威戎鎮水落城等攻破靜莊兩屬民堡五十餘處其黨俟得應攻破會甯通渭縣黃家窰各堡十七處又攻破會甯縣東北鄉民堡四處秦安縣民堡被攻破者未知其數聚衆至二十八營彷徨軍營制旗械器械柄然齊整與鎮原匪首孫百萬遙相勾結拷掠之慘甚於逆回爲平涼秦州一大患臣前以驛馬關有賊騎至檄黃鼎派隊勦之路過鎮原縣時出其不意擒孫百萬解營代理鎮原知縣廖溥明亦獲其弟孫百智解審臣親提孫百萬孫百智訊明攻破寨堡百餘殺人不計其數當卽斬決傳首犯事地方示衆以仰國法而快大心張貴聞知與其黨謀變益急臣前次欽奉奇諭都察員奏工部員外郎王夢熊遣抱以賊圍緊急等詞赴該衙門呈訴左宗棠督師入陝著卽查明該處如有賊匪竊據卽行派兵勦洗以靖地方原呈著抄給閱看欽此臣欽奉之下詳察張貴罪狀尙有王夢熊所未及者此賊不除各屬殘黎難堪毒害且所擾之靜莊會甯各境本蘭州中大道秦安又蘭州東南孔道均未容稍有梗阻其地居甘肅南北之中甯寧之回與河狄之回往來勾結不由莊靜卽出秦安將欲南北分馳掃除餘孽而土匪從中作梗餉道堪虞若待駐軍防勦徒分兵力臣現調黃鼎率所部八成隊伍由空同化平川徑擣莊浪所轄威戎鎮賊巢並謫

營務處前衛州鎮總兵簡敬臨由靈臺出崇信經馬頰口以擣水洛城賊巢調駐秦州之員外郎銜中書吳士遇道員李耀南湯聘珍等撥所部進泰安清水會勦方賊南竄並搜勦踞秦安神峪河另股回匪如能迅速藏事則蘭州東西一律肅清省垣僅防河州之賊無須重兵其黃鼎仍回軍平涼進固原會同雷正綰進勦甯靈一帶回匪秦州之軍進勦河狄回匪而甘肅大局可期復振此微臣度隴規畫調度由東而西之大略也穆圖善前催臣進涇州接篆奉有諭旨昨復欽奉寄諭飭臣進紮秦州接篆比准穆圖善緘咨又已具摺請旨竊維臣由關度隴必由中路本一定之局以形勢言之北可聯絡甯靈慶固南可聯絡鞏秦東可屏蔽秦川西可直達皋蘭也以兵事言之北路劉松山定邊花馬池之軍距涇州雖僅數百里然兵燹之後郵傳不通文報往來必須從延安繞遞已非兼旬不能達出接劉松山緘牘又須酌量調度行知北路中路諸軍展轉遷回已虞貽誤若再移駐秦州則山谷間隔而往返更多千有餘里尤覺聲息難通况當勦撫兼施之際隨時因應事變未可預知臣駐軍適中之地尙可就近料量相機應之若移駐秦州偏於南路不但北路阻隔卽中路亦連掉不靈似於大局所關非小且隴中頻年軍事之誤由於置平慶涇一道不顧專就秦安一線餉道爲苟安之計致匪回縱橫生民荼毒如此夫豈不曰餉餉時難宜緩匪而急回也又豈不曰宜先固根本通運道暫支危局也而其效已可觀臣若舍涇州而進秦州局勢何以異此人之議臣者必且謂知有穆圖善而不知有國事知有蘭州而不知有陝甘臣雖百喙何能辭咎此臣所爲反覆籌維罔知攸措者也且以地理遠近言之由涇州至蘭州一千零二十里由涇州繞秦州至蘭州一千一百六十里本無庸舍近而就遠而以賊勢言之秦州無賊靜甯莊浪有賊臣未可避勞而就逸如果此路事機順利臣當由涇州大道進平涼以赴蘭州縱或蘭州有急臣檄南路秦州各營

爲迎勦之師檄中路平涼各營爲橫擊之師似亦易有把握是否如斯之處伏候訓示至督篆交卸遲速之宜一聽穆圖善酌量陳奏要之甘肅兵事臣斷不敢居功如有疏失亦斷不以未接督篆諉過穆圖

善合併聲明謹據實驗陳

左宗棠檄雷正綰移營固原古城川周蘭亭進駐瓦亭以據東西要衝

時東路陝回多

有乞撫者宗棠乃令正綰移營古城川蘭亭進駐瓦亭  
吳士邁李輝武湯聘珍三軍抵通渭勦除逆回餘孽

兩江總督曾國藩奏派提督劉松山入關隨左宗棠勦寇

先是同治五年西北回黨四擾浙江提督一等

子鮑超疊奉廷旨及大帥疆吏急檄趣令帥霆軍三十二營西入潼關勦陝回匪因東  
捻死作不休楚軍新敗霆軍遂爲所絆不得西時捻匪僞魯王任柱僞遼王賴汝光僞荆  
王牛洪僞衛王李允等糾合馬步精銳由河南趨湖北緣途驅魯衆號十萬盤旋德安安  
陸之間於是霆軍暫緩入關與直隸提督銘軍統領劉銘傳分路進勦十二月賊將北趨  
遇霆軍折而南遁復踞白口六年春正月霆軍銘軍會於安陸賊走踞楊家烽尹隆河等  
處當是時賊首任柱勢最强雲翔風馳勁疾慄悍嘗以前隊挑戰別選健騎繞出官軍後  
路以攻之去歲十二月辛卯提督郭松林僞賊所敗丙午樹軍統領張樹珊復戰死於楊  
家河官軍畏避其鋒輒憑村堡自固超與銘傳謀會勦以雪恥期以正月庚午辰刻同時  
進軍夾擊而銘傳竟於庚午日卯刻先期出師由下洋港逼尹隆河賊隊盡在隔岸銘傳  
分五營留設轄重躬率馬步十五營渡河鑿之任柱以馬隊撲左軍牛洪撲右軍賴汝光傳

死盡數先是  
矣沒之既期役  
而則敗出也銘軍不  
劉必無師則全  
銘軍軍不傳

曾調葵奏報軍所  
故勸者任杜遠軍  
軍敗是時賊勢強  
軍勝而銘軍弱其官  
不對馬自奏之

李允合撲中軍左軍劉成藻五營先遇賊騎不能支敗退渡河任杜來攻中軍甚急惟右軍唐殿魁擊退牛洪來援中軍中軍亦已敗退矣羣賊萃於右軍唐殿魁及其營官吳維章田履安等力戰死之殿魁銘軍之良也師大奔賊遂縱渡河追擊銘軍崩潰適霆軍以辰刻由白口踐期而來勢如風雨張兩翼以蹴賊酣戰良久呼聲震十餘里大敗賊衆劉毀楊家峰拖船埠尹隆河賊館數百生擒老賊八千有奇殺賊萬餘奪獲騾馬五千餘匹救拔銘傳及劉成藻等於重圍之中督銘軍將士二千人奪還銘軍所失洋槍四百桿號衣甲丁件一切船重軍械及劉之紅頂花翎俱於次晨還銘軍營中卽拔隊追賊連蹙之於直河於豐樂河於襄河邊殺賊一萬數千生擒四千解散脅從萬餘拔出難民二萬縛任杜賴汝光李允之妻追至棗陽唐縣界在超自念破彊賊救銘軍出險功高責邀褒獎爲榮塗次忽奉嚴飭方悟銘傳之諱敗爲勝以怨報德顛倒是非一至世極憤鬱成疾引發舊傷奏請罷歸調理曾國藩檄召總兵婁雲慶乘輪船馳往接統霆軍又奏請解超浙江提督遣撤霆軍十八營留十四營改爲霆峻軍隨淮軍勦賊資病家居兵符旣解別遣湘軍大將劉松山入關

案薛福成筆記云尹隆之役鮑武襄公超既攻敗賊首任杜救出劉公銘傳及營官幕僚等二千餘人若無幾微德色劉公內慚不可言自以督營霆軍久邂逅擊賊一敗一勝慮爲霆軍所笑益恚不能自釋謀之主文案者具牘

宋利無言對策  
西秉筆權猶將  
也識君命有所  
不受况其他筆  
直寄之免  
此相承公道

報大帥合肥李公即李鴻章大旨請霆軍既約黎明擊賊未能應時會師銘軍孤

進初獲小勝忽後路驚傳有賊隊伍稍動不知實霆軍也我軍抽五營過河還保輜重賊乘暇來撲以致大敗我軍復奮與相持會合霆軍迎擊遂獲全

勝李公據以入告者如此蓋歸咎他營歸功本營固咸同間用兵以來數十年之積習不獨銘軍爲然李公之右銘軍左霆軍亦事勢所必至李公新握

兵符亦頗慮鮑公不秉節度鮑公疏陳獲勝狀并據實咨報李公李已先入

劉公言幕府執筆者又稍有揚抑軍機大臣左都御史汪公元方

字蕭庵  
六年冬暴卒

謂鮑超虛張戰功言盡不實彼旣懾期貽誤又驚動銘軍以致大敗若科以失機與掩飾之罪鮑超可斬也先是左文襄公嘗密疏言鮑超驕橫已而折之左公方將入關剿回寇屢請廷旨趣霆軍入關其意蓋欲朝廷稍摧折之

然後羅爲己用也。汪公不省。左公權略頗篤信其辭。又不知鮑公實有大功也。

慕壽祺曰：嘉道而後楊遇春陝甘總督、羅思舉、鮑武襄接踵而起。蜀之將才何其盛哉！然鮑起自寒微，孤立於湘淮兩大軍之間，功成名就，不早退休卒爲劉銘傳所陷，鬱鬱不得志以死。死後川督某復嗾其姪出而爭產，致令爵夫人觸棺以殉。清之待功臣也可謂薄矣！而劉松山戰死於吳忠堡，其亦可哀也已。

湘軍統領劉松山由陝北向靈州前進，以董字三營爲嚮導。

先是同治七年甘肅

甚福祥所統民團二十餘萬皆饑民耳。日圖一餐而不可得，遂輾轉至陝北綏德州等處。綏德地瘠民貧，一旦增加廿餘萬人，實無力以供給。則又分駐米脂、靖邊、定邊等縣。定邊與靈州之花馬池大牙相錯，就食窟夏。當不無難。正籌畫間，松山由陝北經過。張俊曰：我素練南爲賊所追耳，遭逢歲旱，流落至此，殺賊之謂何？又因以擾民後世，其誰能諒之？頃